捣藻堂四庫全

書薈

要要


集部


欽定四庫全書


青岭要 黄山集卷二


詳校官助教臣謝登雋















碑碣四	卷十九	碑碣三	卷十八	碑碣二	卷十七	碑碣一	卷十六
運山集	-		-				
П		2	•		-		









卷三十六 卷三十六 赞 1 書疏 雜體 頌

Ł Nel on wall by date of 1/ 卷四十 上梁文 字裕之秀容人中與定五年進士天興中除 學縣高古沉鬱金元之介此然為文章大宗 左司都事轉行尚書省左司員外郎金亡不 任事蹟具金史文藝傅是集賦詩十四卷文 二十六卷為明御史李瀚所刊本好問才雄 等謹案遺山集四十卷金元好問撰好問 青詞 祭文 遺山集

£ Ŀ 刍 末 之失後來雖虞楊范 所 至 至百餘萬言今壬辰雜 銘 其上至古人繩 所 撰 江 野史事採金源 自作 諸 湖 中 作 諸人之習亦無江西流派生 州集意在以詩存史去取尚未盡 則與象深速風格道上無宋南 尤具有法度 目録 尺嚴密衆體悉 君臣遗言往行泉輯 揭名重一代旨未能凌 編 晚年當以史筆自 諸 書 雖 備 已無 构 而 傅 粗 紦 砰 精 録 任 獷 渡 版

完善亦可知其著述之有神實用矣乾隆四 十二年五月恭校上 元人纂修金史多本所著故於三史中獨稱 遺山集 绝 總暴官臣紀的臣陸錫能臣孫士毅 校 官 臣 陸 貲 墀

菊鮮鮮而散花為香香而遺聲下木葉於庭車動砧杵 欽定四庫全書會要卷一萬六千六十三集部 之峥嵘于時積雨收霖景氣肅清秋風蕭條萬籟俱鳴 步裴回而從倚放吾目乎高明極天宇之空曠閱成律 遺山集卷一 古賦 秋望賦 1. data 189/ 遗山集 金 元好問 撰

平瞻彼輾轅西走漢京虎踞龍蟠王伯所憑雲烟縣其 薄之相依浩霜露之已盈送蒼蒼之落日山川欝其不 於無城穹林早寒陰崖畫冥濃淡霏拂繞白紆青粉墊 維景略之所耕老螭盤盤空谷淪精非雲雷之一舉將 之遗名悟出處之有道非一理之能并緊南山之石田 漫之不可與期竟老我而何成挹清風於箕顏高第由 動色草木起而為兵望松少之霞景渺浮丘之獨征汗

草木之偕零太行截天大河東傾邈神州于西北悅風

感也非無候蟲之悲至於整六翮而睨層霄亦庶幾乎 秦齊天人不可以偏廢日月不可以坐失然則時之所 之筆諒生世之有為寧白首而坐食且夫飛鳥而戀故 州之土復於慷慨擊節之誓西域之侯起於窮悴備書 鄉嫠婦而憂公室豈有夷墳墓而剪桑梓視若越肥而 **廓帆涕泗之縁纓吁咄哉事變於已窮氣生乎所激豫**

ے ا

The state of

遗山集

景於新亭念世故之方般心寂寞而潜驚激商聲於

劉鄧州光甫為子言吾安邑多浦桃而人不知有釀酒 浦桃酒賦

古人所謂甘而不鉛冷而不寒者固己失之矣貞祐中 鄰里一民家避寇自山中歸見竹器所貯浦桃在空盘

盖久而腐敗自然成酒耳不傳之秘一朝而發之文士

上者枝蒂己乾而汁流盎中薰然有酒氣飲之良酒也

多有所述今以屬子子寧有意乎予日世無此酒久矣

法少日曾與故人許仲祥摘其實并米炊之釀雖成而

美釀而飽予出遺法於湮埋索問象之女珠薦清明 西域開漢節迴得蒲桃之奇種與天馬分俱來枝蔓干 之未幾成酒愈久者愈佳有嚴至干斛者其說正與 解曰 鬱其無涯善飲清秋以春與發至美乎胚胎意天以 亦當見還自西域者云大石人紋蒲桃漿封而 年之後而證數萬里之遠是可賦也於是乎賦之 物無大小顯晦自有時决非偶然者夫得之數

遗山集

孩安得純白之士而與之同此味哉 貽哀緊工任之物化與梓慶之心齊既以天而合天故 無在乎靈莹吾然後知珪璋王毀青黃木災音哀而鼓 泉技之畢前敢一物之不階艱難而出美好徒耽毒之 **必麴藥之中媒水泉資香潔之助林稻取精良之村效** 王杯露初零而未結雲已薄而仍裁挹幽氣之薰然釋 味薄而鹽梅惟禪殘天下之聖法可以復嬰兒之未 悄於中懷覺松津之孤峭羞桂醑之塵埃我觀酒經

· 反匹庫全書 | ■ |

乎畫履霜堅水而致於馴猶之於人則齊魯有一再之 予既罷內鄉出居縣東南白鹿原結茅獨水之上聚書 漸在聖由念否之分唯夫守一而不變者不足以語化 新之為說也在金曰從革在木曰從斤丘陵為山而惡 而讀之其久也優桑厭飲若有所得以為平生未當學 而學於是乎始乃名所居為新齊且為賦以自警其辭 贵山东

新蘇賦

濱方處陰以休影思沐德而漂身蓋嘗論之生而知困 此之不知乃角逐乎空文張北轅以適楚將疇問而知 依性命道德之所存有三年之至穀有一日之歸仁動 仰竟四十而無聞聖誤洋洋善酶循循出處語點之所 化之為神附陳迹以自觀悼吾事之良勤失壮歲於俯 而學固等級之不躐慎則啓悱則發亦愚智之所均齊 可以周萬物而濟天下靜可以崇高節而抗浮雲曾出 定四庫全書 捧虚名以自今適以增頑而益 罵我下我居於浙之

戒沐浴惡人可以犯上帝潔已以進童子可以遊聖門 戊子冬十月長壽新居成仲經張君從予上鄰得王氏 熟土直之弗真熟昧爽之弗旦孰悴稿之弗春又安知 温故知新與夫去故之新他日不為日新又新日日新 之敗屋馬環堵蕭然不蔽風日君為之補罅漏治益 顧年歲之未募宣終老乎九民已馬哉孰糟粕之弗醇 行齊賦 J. 1. 1 遗山集

當然不以為怨不以為憂而又且以為樂也然則不謂 于弟為之奔走無好事者為之謀緩急而助薄少率貨 君極矣無禄以為養無田以為食無僮僕為之負販無 而行之義名日行齊而乞文於予予以為士之貧至於 盖十日而後可居單門主實故事畢舉取君子素其位 之無處其名也而可乎通為賦云 無旬日計泰然以閉户讀書為業不以為失次而以為

賦分在人如物有常反鶴與是無益短長力有可來勝


之臧唯夫長劍大冠以揖讓人主之前者若固有故木 以退藏此中立而不倚遡横潰而獨障直釣磻溪之魚 我思古人動静有方静以養虚剛以作殭辱以處汗愚 **売節單于之羊有漆身以為厲有被髮而為在仕汙世** 無時分莫知其鄉飽飢有時而激兮怒殆豢虎之貽殃 食洞飲雖至於勞筋骨而餓體膚者為無傷古有之居 而執朝徇殊俗而解裳太阿存兼善之建縕袍有不求

遗山集

天不祥福不盈睫一敗莫償莫難養心操存舍亡出入

金灰四厚全書 不隱者志不廣身不抑者志不楊士固有遯世而不復 而芳偉哉造物又將發吾子之幽光耶太阿即 見然愈擀而愈彰南山蒼蒼北風雨霜有關不彫俟春 均義禀汨利忘智决得隴又望蜀有齊安用降干戈幾 間黃屋貴物外祇自潔尚厭一點喧重負寧所屑降東 幽林轉陰崖鳥道人迹絕許君棲隱地唯有太古雪人 五言古詩

壽深髮毛日夜新殷勤一杯酒媳爾雲問人 雲山蒼蒼平田木於於登高覧元化浩湯融心神西望 靈官肅清晚細有含古春人言王子為鶴取此上賓白 悠悠送孙月 洛陽城大路通平津行人細如蟻擾擾爭紅塵蓬萊風 蠻觸宇宙日流血曾連蹈東海夷叔采微嚴至今陽城 衛華兩丘垤古人不可作百念肝肺熱浩歌北風前 山置酒同內翰 詩馮 分丈 韻权 得獻 賓雷



聚無復雲臺功 綸初指揮走羣雄白水日夜東石麟幾秋風空餘廣武 萬萬古青天看雅龍歸然此遺臺落日荒烟重誰見經 年亦帝孫提劍起萬蓬一 東南地上将荆楚兵四衝游子十月來登高送長鴻當 風三日雪太素東元化九山鬱崢嶸了不受陵跨寒波 故人重分携臨流駐歸駕乾坤展清眺萬景岩相借北 類亭留别元亮子正分韻得畫字敬 意工學 , 顧溢水斷再顧新都空雷霆 £

雲淡野川元氣浮草木微光盡楚尾平遠疑杜曲生平 春物已清美客懷自幽獨危事一徘徊偷然若新沐宿 遠游賦吟風心自足揭來著世網抑抑就邊幅人生要 吟嘯塵土足悲咤迴首亭中人平林澹如畫 適情無禁復何辱乾坤入望眼容我謝羈束一笑白鷗

一 飲定四庫全書

淡淡起白鳥悠悠下懷歸人自急物態本問暇壺鶴負

苦湫隘牵動日蛙黾慚愧山中人團茅遂幽屏塵泥免 愛食縣社公寧不堪任此臺即甘常思使無餘陰旁舍 荒城草木合破屋風雨侵千年一琴臺瞎馬涕盈禁遺 生無根著飄轉如斷梗一昨隨牒來六月阻歸省城居 從官非所堪長告於得請驅馬出國門白日觸隆景半 相流夢無見清賴籍首孤飛雲西南路何永 J. d. ... 出京為山侍下 元魯縣琴臺 造山集

史院得告歸

玄虚墜典誰當尋我與薦寒泉百拜公來臨公來不能 高以華大豪日捐金營雲玄武養鬼物憑陰容尚德抑 音人間蹄溶耳已矣非公心元意縣又臺今為玄武 空深林寂寞授書室孤甥舉遺象生平該己然薄俗别 補家一何深承平示得意獨能正哇淫君相此一時又 來今千山為公臺萬籟為公琴變曠不並世月露為知 復悟良箴設臣坐廢點盍亦起幽沈浦輪竟頹穀香草 知落日下飢禽懷哉空山裏鶴飛猿與吟當年于為歌

定匹庫全書

燕市空駿骨狂歌叫秋雲北風撼林樾 漢生氣凛毛髮古來天下馬萬里入超忽良樂不並世 懷緊對即冠佩見突兀嚴嚴石青時鬱鬱松秀發裝回 之故 扶桑洗劍必溪湖皇天靳美器一世惜英物神交付宴 功名會脫落豪俠窟中州有士論指與雷李屈掛号須 隱水復隱水東望為行沒殷勤一杯酒遙酹隱亭月水 豊山喜

新定四庫全書 稟氣寡所踏衣食固無端所業在農桑甘以解華軒田 雜者五首

家豈不苦歲功聊可觀帶月荷鋤歸裴回丘龍間暖暖

遠人村紛紛飛鳥還養真衡茅下庶無異患干遙謝荷

守批歸田園淹留自無成長吟掩柴門遂與塵事冥素

~ 條翁躬耕非所嘆

月出東嶺夜景湛虚明揮杯勸孙影杯盡壺自傾遥遥

望白雲千載有深情

就君住終身與世辭 翁秀孤松卓然見高枝提壺撫寒柯懷此員秀姿願留 固多娛幾人得其趣 禁叟老帶索原生納決優邀哉此前修久而道彌著人 生少至百每每多憂處量力守故轍餘禁何足顧棲遲 世短意恒多時駛不可追感彼栢下人泫然沾我衣運 桃李羅堂前霜露紫悴之咄咄俗中惡人道每如兹冬

生會歸盡彼此更共之理也可奈何一觴聊可揮酒中

遗山集

化術帝鄉不可期且極今朝樂千載非所知 有深味情隨萬化遺西南望記塩靈人侍丹池我無騰 古意二首

定匹庫全書

七歲入小學十五學時文二十學業成隨計入成素素 中多贵游幾與書生親年年抱關吏空笑西來頻在昔

學語初父兄已卜鄰跛鱉不量力强欲緣青雲四十有

牧豕五十有負薪寂寥抱王獻賤薄倡優陳青衫亦區

何時畫麒麟遇合催一二飢寒幾何人誰留章南冠

歲姿骯髒空谷中陽和不擇地亦復難為功本無兒女 澳減類谷雲融融顏川水封君去我久水雲自清美人 花正開今朝花已空川流不肯駐併與繁華東梗楠十 心安用尤天公 風何許來草木誰青紅天公亦老矣何意夸兒童昨夜 桃李弄嬌燒梨花澹丰容盈盈兩無語鰕艥爭春風春 頳 谷封人廟 是山東 <u>-</u>

萬古徒悲辛

舊聞劉君公學經發源深聯點萬里氣聖途已殿殿大 言君善諫微意得鄭子特於悔悟時一語發天理大孝 金定四庫全書 梁語三日副我風所欽濂溪無比流此道日西沉百年 載下乃與茅焦比我行類川道永念負甘古願作頓尾 動天地土直及頑鄙反身而未誠善諫且敗矣如何干 魴因之日千里 贈答劉御史雲卿四首

牛山木不復秀穹林南風雖寥寥聞經猶賞音獨憐冬

有箕裘聖學待冊煎但使本根在枝葉復何云殷勤五 一毘子一我無古今共學君所貪適道我豈任相酹無別 學道有通散今人乃其尤温柔與敦厚掃滅不復留高 色筆未用推千軍 行不虚來得接大小君信知珠玉淵足當黑為奉君家 阿京吾所畏早生號能文初無王家癖聲光自流聞此 物徒有好賢心

蹇當父師排擊劇冠警真是未可必自私有足差古人

遗山集

有 此論信以不我觀唐以還斯文有伊周開雲揭日月 老鶴何許來澹與孤雲同相值太虚室悠然復西東聖 本易投九原如可作吾欲起韓歐 獨程張傳聖途同一歸論功果誰優戶牖徒自開膠漆 異同寧復操文矛春風入萬物枯析將和柔克已未 加歸仁亦何由先儒骨已腐百罵不汝酹胡為文字 **垢搜瘢疣吾道非申韓哀哉涉其流大儒不知道**

學要深談惜君别匆匆何時沂水上同詠舞零風

有平生懷爱君如連枝半年姜脑被所樂良不貨尚恨 六月渡盟津十月行记水風濤脫沉舟水雪危堕指孝 忽忽歲云暮烈烈風霜威舉頭望長安游子從此歸我 路難下言長相思 人事異離合無定時送君酒一杯侑以彈鋏辭上言行 省 送欽叔内翰并寄劉達卿即中白文舉編修五

子在中野永念員甘首家貧親已老形察心欲死古稱

遗山集

季路孝負米曾百里顧作鯉與魴寧當怨賴尾君歸不 十白髮成一新顧以寸心微受此百處及君窮復何辭 賜顏色歡喜無所容求索厭朋友勞苦慚僕僮無聊復 不見開開公文章二百首不救四壁空 無聊又復招灾凶我有一樽酒流君塊磊胸君年始三 平萬里氣頓入低回中田夫怒攘臂縮首甘首藍老兵 可緩獻壽追歲始遥知慈母心已為烏鵲喜 一年不製衣春服犯霜風一日僅兩食腸胃不得充生 灾 四 库 全 書

交交有非所宜白黑不復擇豁豁傾心脾泛爱豈不可 自近始貧富理不齊君自不得飽欲療何人饑乞醢乞 事恨太銳臨斷恨太運持論恨太高徇俗恨太早人道 君性我所語我心君所知九我之所短君亦時有之謀 眼談歌詩世故穀黃間能不發其機聞君作損齊似覺 後悔終自貼又如與人言寧復無失辭刺口論成敗白 一鄰聖哲有明幾被髮救鄉人智者所不為且如與人 非懲忿與室然百年有良規與子各努力歲晚以

と 己日

וווא על אומי

造山集

支

為期 古人遥相望每恨不同時同時得古人歡樂良在兹君 歸豈不佳交将滿京師門前車馬來笑言慰所思細話

Ē

與白亦復念微之 洛陽事高詠高山詩官壺發新寫官梅取幽姿故應劉

城

謝明月達華肯相臨顧將萬古色照我萬古心

去古日己遠百偽無 此 萬事有定分聖智不能移而於定分中亦有不測機人 教難為功乃見酒力神誰能釀滄海盡醉區中民 生桐葉露見日忽已晞唯當飲美酒價來非所期 飲又復醉此醉更酣適徘徊雲問月相對澹以默三 云晉 上邯鄲逐免出東門離官寸亦樂里社有拙言雜 端始前芽忽復成禍根名虚買實禍將相安足論驅 | 真獨餘醉鄉地中有義皇淳罪 官

烫

足曰車全書

遺山集

さ

少日不能傷少許便有餘比得酒中趣日與杯杓俱 更風露下中袖警微濕治歌天壤間今夕知何夕 後飲酒五首陽程

知奈何妄婦良區區但處生理廢飢寒到妻孥吾貧盖 日不自流肝肺如欲枯當其得意時萬物寄一壺作病

有命此酒不可無

生至神物與世作耐適豈曰無妙理混冰莫容詰康衢

客從松少來贻我招隱詩為言學仙好人間竟何為 三百杯談笑成歌詩九原不可作想見當年時 笑顧客言神仙非所期山中如有酒吾與爾同歸 吾自樂何者為帝力大笑白與劉區區領功德 飲人不飲酒正自可飲泉飲酒不飲人屠沽從擊鮮酒 語誰所云吾友田紫芝紫芝雖吾友痛飲真吾師一飲 酒中有勝地名流所同歸人若不解飲俗病從何醫此 以人廢美禄何負馬我愛晴節翁於酒得其天雕通

5

Li dia 1

遗山集

さ

詩债秋物苦催索遥知得新句松少為動色上人舊 幾成壞遊旅誰主客道人那許許一笑山月白多生負 魚有勝氣掛錫無滞迹回頭仙人隊該笑初未隔結草 舊隱伊陸卷把茅入宴息新居蘭若奉老屋補漏拆鐘 何物人亦復為陶然兼忘物與我更覺此舒賢 德禪師清凉草堂 edada. 13

雲林入清深禪房坐蕭夾澄泉潔餘習高烏喚長往 層水積浩蕩陵谷互吞吐窈窕轉幽壑突兀開淨宇回 頭山水縣亦復堕塵土孤雲鉄梁北宇宙一仰俯風景 無玄豹姿漫有緊霞想回首山中雲靈芝日應長 不殊川塗忽修阻寒潭海眼淨點黑白太古藝龍何 **即萬國待霖雨誰能裂蒼崖雷風看松舉山中人歲** 造山集

借地乞麥種徽倖今年秋乞種尚云可無丁亦無牛田 麥歎

秦南川平雲緑油油起來望河漢早大連東州四月草 主好事人百色副所求時時三百斛寬我飢寒憂我夢 不青吾種良謾投田間一太息此歲何時周向見田父

| 豈獨我讐正以賦分薄所向困拙謀不稼且不穑取禾 言此田本良疇三歲廢不治種則當倍收何如落吾手 年牛變雜族身自是早母咄咄將誰尤人滿天地問天

侯作詩以自廣時用商聲謳 始羞單衣適至酐一劍又蒯終馬知寄食餓不取丞相 亦何由辨作高敬通惡雨將漂流吾貧有濫觴賢達未 山丘百年不須更歸盡固其理交喪亦已愚陳亦有足 馬北印原踟蹰重踟蹰十年富貴人零落此山隅萬 不復識棒养餘龜跌賢愚同一盡感極增悲啟學人 物靈生也與道俱一為物所眩逐爾迷殿初或骨幾

てこり

<u>.</u>

遺山集

九

留詩軸清話入禪版誰言海山去蕭散仍在眼溪寒不 悲奈此萬化途馬知原上塚不有當年吾 不見木庵師胸中滿泥塵西窓一握手大笑傾冠中青 山有佳招一游負因循老節動高興萬景森前陳乾元 可涉倚杖西林晚 石樓繞清伊塵土天所限人言無僧久草滿不復刻 激悲壮山意出高蹇當年香山老掛冠遂忘返高情 龍門雜詩二首

四月全量

豐山一何高古屋蒼烟重開門望吳楚為去天無窮連 十年鈍筆死不神乞靈白少傳佳句價能新選送洛陽 昔季與即龍起隆中落落出奇策言言揭孤忠時事有 先有期清伊亦知津細看潛溪樹高卧香山雲學詩 山横巨鰲白水豆長虹川原欝住氣自古南都雄炎精 城梅花千樹春山中有忙事寄謝城中人 豐山懷古

可論生晚恨不逢漢賊不兩立大義皎日同吳人操等

de dan 10%

遗山集

Ŧ

乾坤之大音久欝理當通清霜旦夕落行爾端季聲 童開元有亂階鹿飲温泉官黃猿何為者乃爾能嘯免 寧汝容端本一已失孙唱誰當從至今有遺恨廟相號 陰風舊聞清冷淵天籟如撞鐘山經野人語誕幻欺孩 耳忍與分河潼奪操而與權何以示至公一民漢遗黎 冠自攻既異鴻溝初又非列國從一券損半產二祖 地漢故封守民及守土天地與相終不能學窓警額 **克匹月百言** 乙酉六月十一日雨

聚乾溢安能裁唯當作高原多具尊與要家人笑問我 君田安在哉歐雨 老農苦樂與之偕問問聞古語一笑心顏開西年酒如 樹青欲乾四望令人哀時時怪事發雨雹如李梅我於 天河翻崩騰走雲雷今日復何日駅雨東南來元氣冰 旱近兩月河洛東連淮驕陽佐大火南風捲黃埃 中焦卷意已回良苗與新額鬱鬱無邊涯者書生如 示姪孫伯安 同

遗山集

Ī

青冥愚者知笑之壯事已無取老謀欲何施幸此掌中 汝挾書歸憶我青於時青於昨日耳齒髮忽如茲讀書 伯安入小學顏悟非九兒屬句有風性說字端老師見 汝此可耘料便當學種樹未用城南詩伯安方讀韓集 孫未染如素絲就令好紙筆門户誰當支我有商餘田 誤人多潤疎亦天資元無倚天劍可斷扶桑枝倚梯望 百錢買松黑植之我東墙汲井流塵土插籬龍牛羊一 種

定匹庫全書

盼百尺强君自作遠計今日何所望 何年起明堂都叟向我言種木本易長不見河畔柳顧 雲雨條灣含風霜起來月中看細鬣錯針芒惘然一太息 虞卿麻長官成趣園二首

日三摩等愛比添丁即昨宵入我夢忽然變昂藏昂藏上

有天游我定物自擾豈不與世並自是萬物表達觀無

庭八九樹晨坐聽百鳥人生信多處長寢容未了虚舟

整池水交流築屋山四鏡衛門在人境三徑深以悄中

君負奇節劍氣欝星斗為吏非所堪徑去如避走王官 蹉跎匡山游爛漫彭澤酒慨然十載上懷我平生友夫 不可言外當意曉 飲定四庫全書

唐以還寂寞盖已久柴車君來隱清風動林數至今溪

雜詩四首

相士如相馬滅沒深天機區區銅馬法徒識牝與驪人 上詩往往在人口淵明不可作此士寧復有

言當塗公惡人知其微如何許部語受之不復疑知人





周 世事如大弩人若材官然乘勢易發機非時勞控於又 義人未假已不歸伯樂不可作思與曹瞞 如大水中置彼萬斛紅雖有帆與橋亦須風動天不見 子嘗為思者憐 固不易人亦未易知雄妍在水鏡欽粉徒自欺熟為仁 材此豈晚乃賢鐵基喻智慧要必有待馬嘆息狂馳 公瑾弱龄已飛霧不見師尚父應揚在華顯彼非 期

崑山有璞玉外質而內美唯其不自街故與頑石齒

置山建

堂堂明堂柱根節幾歲寒使與蒲柳同扶厦良券難我 仙苗不擇地榛茶散秋實微霜緑未陨濃露紅欲滴方 衣散組袍我飯首宿盤天公方武我劍鉄勿妄彈 也速於售再獻甘減趾在王庸何傷惜君兩足耳 定四庫全書 彩祀

欽

薦奇味九醖化靈液人傳東坡事世驗西河街在口亦

自住輕骨况可必維物多似是致用相萬一向非觀

篇誰為分杞棘 期會切莫達期會不可達鞭扑傷汝肌傷肌尚云可天 出將無夜印扉教汝子若孫努力逃寒飢軍租星火急 之單貧寧為豪右欺聚訟幾何人健關復是誰官人 事古所難令才又非宜到官己三月惠利無毫釐汝鄉 田父立馬前來赴長官期父老且勿往問汝我於疑民 耳目百里安能知東州長官清白直下村稀我雖禁吏 宿菊潭 遺山集 部

籍勢洄状各有態平分乍舒徐怒觸忽碎壞雲蒸楚 驚沙石捲稍覺川谷隘雷風入先驅大塊供一噫干帆 鼓前浪萬馬接後派崩崖不暇顧拔木無留碍憑陵 閼令人悲 欽 燃犀出鱗介陽侯富陰族萬首露光恠翠甤澹偃蹇 早千里亦一雨垣屋敗浙故以江名暴與衆壑會初 雪映商獨指髮第千丈潮怳與海門對伙飛關蛟 定四庫全書 觀浙江漲

鼓亂硝磕永懷疏鑿力重數神禹大乾坤海為壑未 生木葉脱魄動不敢語何年渾沌竅靈物此棲處初從 層崖関頑陰水木深以阻治聲半空落海海如怒虎風 變横潰納汗非無處流惡即自快投詩與龍盟滌湯 緩溜開鑿到神禹雲雨鼓飛浪噴薄齊萬弩凝珠驅 颔百斜快一吐油油入 無底細散不濡縷歸藏海有 鹳雀崖北龍潭 赦

た

יתו) בי שבו לנו איוני | 1

遗山集

主

洛景迫行旅多熟如芝人終年看飛雨 雲間可望不可攀虚名竟何得行路乃爾難 竹港晨露白石門秋氣寒湍流落澗壑細路深茅管江 穴流溢愁下土南峯天一柱萬古鎮幽府江山有奇探 平白石出竟日公清灣四顧不見人山鳥時間闊養崖 地底烟霭青漫漫力盡不能過却坐空長數青天白 艾巴里图明 阻雨張主簿草堂

去我久念子平生語数段劣可乗贏餘果何取河汾敝 童十日約竹馬候門無曾是百里程川途忽遐阻少将 詩亡又已久雅道不復陳人人握和壁燕石誰當分關 廬在坐滯西南楚世事不可期客心徒自苦 中楊夫子高海世所聞十年玄尚白藜藿甘長貧有來 贈答楊煥然 贵山集


濕暑雲氣鬱浸淫其成積雨南風竊陰機萬類因松與

飛濤限江岸懸流迫茅宇塊坐百慮滋歸與生鳥羽兒

陽和入枯株靄靄含芳津山頭太古石不與萬物春朝 秦望君勞我神相逢不得語别去徒殷勤白雲不可贈 河水篇四海付斯文斯文有定在桓生知子雲古來知 入長吁肝膽空輪国我當讀君詩天趣觸眼新秦游得 從木客将幕将山鬼隣紫芝僅盈割幽闌不充級青雲 相思秋復春 已難萬里循比鄰千人國中和要非心所親東楚西南 送詩人李正甫

欽

定四庫全書



遭			-		金叉四层全言
造山集卷一		-			T I
集					4
奉			-		j.
				-	
					卷一

太山名達觀等秋毫蠻觸徒能國蜾贏竟谁豪暗湯 萬化如大路物我適相遭往來限隣屋夢寐阻同袍斷 欽定四庫全書管要卷一萬六千六十四集部 金幾何人年運劇銷膏相歡顧不足爾支奚暇操古來 遗山集卷二 五言古詩 萬化如大路 貴山集 金 元好問 撰

疎星 灣秋明陰霞約朝映積雨成坐愁晨光動幽與石 在己乃為勞鹿門有高獨世網價能逃 欽 風心感寫見真性倦遊徒自悼達已将安竟憂端從中 風将綠遠岸秋沙淨洋洋遊偷逝沉沉輕鷗泳隱顯垂 門歸取引湍浦漁刀並曠蕩萬景新歸藏四山静平湖 一紘美惡自為曹造物無巧擇大塊有并包暴公今在 1轉燐起蓬高孤心既悄悄泉口盘嗷嗷同塵寧當悔 定四庫全書 晓發石門渡湍水道中水經端音專

韓非死孙慎虞卿者窮愁長沙一湘擊郊島兩詩囚人 來法法發孤詠 避未至吾何求悠悠復悠悠大川日東流紅顏不暇惜 間世起滅真浮温會是萬户封不轉一掉頭有來且當 生定能幾肺肝日相響井蛙奚足論禪虱良足羞正有 朝樂不償百年憂古來帝王師或從赤松遊大笑人 放言

素髮忽已稠我欲升萬高揮杯勘浮丘因之兩黃鵠浩

遗山集

湯觀齊州 灾匹 庫 全 這 李道人松陽歸隱圖

陽古仙村佳處我所知長林連玉華細路入清微連延 北山兒寬筆老硬無妍姿南山小平遠澹若常郎詩松 百餘家柴門水之湄桑麻蔽朝日鷄大通垣籬魄我出

山來京塵滿山衣春風四十日夢與孤雲雅可笑李山

何苦塵中為京師不易居我癡君更癡山中酒應熟幾 人嗜好世所稀逢人重詩句不惜怒與幾道人本無事

日是歸期 黄公廟

飛素靈哭龍躍雲雨赴堂堂文成君談笑取帝傅功名 要有命陰相果何預誰謂圯上人異事驚好素河清不 羈客無恒居六月走長路清風黃公祠地古於所遇劒 可俟筋力疲世故袖間一編書塵埃嘆逐暮

廢地三畝餘十年長萬菜五礫雜糞壤白骨混蒼苔孙

學東坡移居八首

賤者事寧當惜筋骸伐木荒林中運競古城限卒勤八 焙暖似欲忘囚拘屋前有隙地客舍不可無花欄及菜 於其間九九窮朝明起立足欠伸偃卧可展舒窓明大 荣坐諸,即課誦所依於西除者僮僕休休得自如老我 誰謂我屋寬寢處無復餘誰謂我屋小十口得安居南 客無所投即此答茅齊墾斷豈不苦寝處亦可懷辱身 屋一笑心顏開 十日吾事乃得諮買宅必萬錢一錢不天來今晨見此 定四庫全書 |

奚墨炭幽香南榮挂風響雲裾珮鏘鏘鏡背先秦書八 首帖不辨作為行雪景睿思物宣政舊所藏晉公古漁 東至日華 A Man 刻王尊玉斗蛟龍翔逸少留半紙魚網非硬黃亦有墨 故書堆滿床故物貯滿箱渾渾商實馬纍纍漢銅章杖 **國次第當私組東野載家具家具少於車我貧不全貧** 欠浩歌濯滄浪因觀宫騎圖卧驗識提囊谿石含餘潤 尚有百本書 昭敬恭嚴卯訶庫剛雷文統杖節獸面出佩璜私印 遺山集

製衣網續如紙薄一日僅兩食强半雜恭霍不羞達累 **養脱鬼手攘臂留空豪即城千里外狼狼何所託諸公** 戯の爾彦 堅陣為屢却滄溟浮一葉渺不見止泊五窮果何神為 行粗識熟飲樂敵貧如敵冠自信頗亦感兒啼飯籬空 颇相念餘粒分凫鶴得損不相價杯土填巨壑一冬不 **壬辰困重圍金栗論升勺明年出青城與目就東縛毫** 字環中央讀之三嘆息此日何時光

THE THE TANK

舊隱萬山陽笋旅豐飽的新齊浙江曲山水窮放浪乾 憶還往風土夢間曠怳如悟前身姓改心不忘去年住 國史經喪亂天幸有所歸但恨後十年時事無人知廢 身志懲創 身在顏亦强空悲龍髯絕永負魚腹葬置錐良有餘終 本正坐一出妄青山不能隱俛首入羁鞅巢傾卯隨覆 佛屋盡室寄尋丈今年僦民居卧塌礙盆盘静言尋禍 坤兩茅舍氣壓華屋上一從陵谷變歸顧無復望無漁 遺山集

復何辭 得快吐之濕薪烟滿眼破硯水生髭造物留此筆吾貧 起本良在兹朝我何所營養我何所思胸中有站噎欲 與存亡高賢死兵幾身死名亦滅義士為傷悲哀哀淮 與屬之天事豈盡垂達傳聞入雠敵私以與罵譏老臣 東坡滴黃州符樂行江湖荒田拾瓦礫暖役分僮奴我 西城萬夫甘伏尸田横巨擘耳猶為該者資我作南冠 語不敢私稗官雜家流國風暖婦詩成書有作者

定匹庫全書

老二

南天馬不可羈直以論詩文稍稍窥藩離永懷王與李 隣舍窮達心不移千里訪存殁十口分寒幾獨有仲通 家蓮華白每釀必見貽季目妙琴事足以相姨嬉郭侯 讀移居為感極為悲戲九原如可作從公把犁組我貧 朔漠行當歸書來聞言語報我脱繁維慚非一狐版不 家多書篇帙得編窺趙子篇於學問以問於疑王生舊 此州多萬士論年悉有隨風波同一舟奚必骨肉為倪 公亦貧賦分無賢愚論人雖甚媳詩亦豈不如

於足日華全書

遗山集

直五段皮我作野史亭日與諸君期相從一突樂來事 歷下事懷古分韻得南字

東秦富住境北渚擅名該兹将亦已久幾得了二三南

弄晴光王玦響空嵌清連通畫舫秀水深雲龍華峯水

中央鬱鬱堆烟嵐荷華望不極緑淨紛紅酣毒熱非山

陽早濕無江南承平十萬户他州隅仙凢刼火土一丘

山壓城頭十里奎與巫狀流出地底城隅滿沿潭金絲

拳見覃覃懷賢成獨詠勝賞何由祭 跳平聚浮沫羊飲留餘擅我行歷荒基涕下何連連舜 重華初側陋害耕歷山田至今歷下城有此東西泉喪 樹老草不芟巧盡露天質到眼皆奇探千年歷下亭想 不一井庇下者何有馬帝功福萬世帝澤潤八挺要與 亂二十載祠宇為灰烟兩泉廢不治平漸者瓦礫填蛙 天地並寧待一水傳甘常思的伯自是古所然我欲操 舜泉效遠祖道州府君體

遗山集

著看平何異管中窺文須字字作亦要字字讀咀嚼有餘 周千紀年且堅石渠漱清溜日聽黃風紅便為泉上史 畚锸沒水及其原再令泥濁地一變清冷淵青石壘四 文與工詩大似國手基國手雖漫應一看存一機不曾著 文章出苦心誰以苦心為正有苦心人舉世幾人知工 杯飲終殘年 與張仲傑即中論文

定匹庫全書

味百過良未足功夫到方圓言語通眷屬只許曠與變聞

神 亭亭祠宫檜欝欝上雲雨扶持幾年來造物心獨苦青 級 地 紅綠毫釐不相照覿面楚與蜀英討荆山前時聞別人哭 蜀 中久駭浪思一鼓天柱此不移水國真平土乾坤 知雅曲今人誦文字十行誇一日閱頭失香臭者視紛 物甲乙存世譜瀬鄉留耳孫闕里傳鼻祖秦松徒自 王川潤 柏聊共數會待十抱成兹馬重摩拊 濟南廟中古檜同权能賦 根入鐵岸古雖含棟梁安斤斧安得取流状 遺山集

山逕一何惡一澗後一嶺昂頭一握天放脚百丈井武 燈火得對影行役豈不勞聊當忍俄項 有便道故統銅鞮境涉險良獨難又復觸隆景贏縣 過眼不再省南北二十年夢寐循耿耿喻如萬里別 巴大怨僕氣將瘦與世恒背馳用力何自省河汾紹 信紛莫整銘石出擴中昧者宜少警少時曾一 鞮次村道中 并引

鉗

定

匹庫全書 |

而公所以報之者為甚力公達初任部禄年前三 那公達談公平生往往色揚而神躍問之知其為 與橫經之未而為恨也北渡後居陽平見關中人 顧常一望眉字以為甚幸然亦以齒少且賤不得 無出其右其為太原道漕使時不肖方厠諸生間 故民部長陵蕭公泰和大安之問名德雅望朝臣 公夫人之猶子也盖公達之先人於公思義良原 遂為州上佐出入臺閣者二十年雖其材致然

一飲定四庫全書 有天下之士有一人之所私慕有天下之所共稱 聞公之故則就訪之公達所居之屋包名於予因 亦籍公為之司命耳子雅知公達之敬公也几欲 發摘秘與不減前軍祭無可故言討論者服其博 以蕭齊目之且為之說云士之生世有一鄉之士 相上下故言氏族者推其贵出入經史優柔懸飫 公承王公餘烈爽葉台鼎世譜完具與當陽杜氏 分限所在不能以强人而人亦不得而强之也惟 卷二

一致定四車全書 一人 十年金門客一日達萬人烟堪兩樣屋因公名字新昔 爱蕭子雲筆礼者得蕭之一字遂以名所居况於 其所天子因為詩以貼公達有好賢如緇衣者請 稱非一人之私暴高山仰止其龍曰不然古人有 奏獻疑獄致力忠愛一言之仁利及永久故言斷 為同賦馬 **教者歸其平疆樂不奪其操公相不易其介幅巾** 社坐鎮顏俗故言進退者推其高盖天下所共 美道山集

喜色為津津歸秦如未老會買東家隣 夢想透逸見垂紳敖兒多讀書公言諒諄諄他時門户 典型在百世留清塵師尊世共然况子夙所親爱公入 年河朔州動軟得誇弘唯君篤高義日來欽柴關古交 改亦唯公之姻我當望公顏道左避未輪至今誦其詩 行路溢於棘軍車望千山歌君歸雲曲清涕留餘潜六 公無意時四海望經論敦麗一古儒風采自名臣人亡 别李周卿三首

廟瑟一洗筝笛耳 詩十九首建安六七子中間陶與謝下速章柳止詩人 城居日蛙電局促復局促去作山中客放浪誰檢束溪 玉為骨往往堕塵溶衣冠語俳優正可作姆使望君清 風雅久不作日覺元氣死詩中拄天手功自斷鰲始古 松柏心今交桃李顏古人去不返古道挽不還相思 酒坐恨寄山間

遺山集

光淡於水山骨爭如王懷我同心人團茅住深竹垂綸

良朋滿東州歲月見忠悃韓侯晚相值意氣尤怒惡我 鮮可食種林酒亦足石壇三萬丈醉眼天一栗安得萬 嘗相斯人趣向識端本立節柏有心樹德蘭在晚官禁 里風相從兩黃鵠其比與子 睨不顧寄與浮雲獻今世走名場旗布幾什偃賤子本 里追送不憚遠觀君木韵姿百念為日損顏方慙衣網 取玉趾渠往返昨聞遂歸養見謂竹林阮暑涂三百 訓韓德華送歸之作 約淵 西源 詩詩 中人 所未

信樂上凶年未消憂一蝗食未盡半叔不易求流民四 司雲壇獨九州醉飽到於鬼巫覡自懷羞帝命制江湖 方來斷港魚蝦稠忍死待一麥秋種且未投乾溢誰所 朔 袖勞童挽雞乘先有期升堂未言晚類 非舊雨春早歷夏秋道路上三尺今朝見浮漚三城 吹作還止雲意鬱以周十月雷收聲陽和自油油此 戊戌十月山陽雨夜二首

遗山集

又被以華家桑偷偷可收歲事在聽菜里門眼中見歸

失先具閉雞因餘各令朝人事改一雨開百順僧怠晚 陽冬候媛麥脚易滋分去土膏入渗漉破粒容可赴此 聲忽赴廊細點復成陣久渴宜未厭平已作寧小斯山 霏霏散浮烟霭靄集微全出門望白塔但覺襟袖潤繁 色淨喜極夢為盡枕上一詩成燈花落紅燼 邦信可樂風土同一晉單車我東來塵土滿歸鬢果糧 野語良悠悠龍公為汝賀桑榆定可收 看山

匹

膝條悲去國欝鬱賦卜居不采西山被即當葬江魚今 華堂居公車因方朔太倉飽侏儒杜子露雙肘朝祭出 與山林使我於然數我身天地問託宿真遽廬無窮閱 日忽有得湯如脱囚拘青山坐終日忘讀案上書皐壤 豈默而為誰續長題鶴誰截短足見孔墨不媛席盗跖 有限萬期亦須更坎止及流行何計疾與徐百年險與 遇險當何如化化復生生體異理不殊為非浴而白鳥 夷又似萬里途良馭馳康莊九折亦推車必惟易之就

朝川涂靜偶得展衰步湯如脱囚拘廣莫開四顧半生 盂擊鮮日為具大嚼皆屠沽乖逢自乖逢賦分無賢愚 無騙軟裘與怯馬照耀與臺驅天隨隱笠澤杞朝供盤 作計窮一我造物良區區向也憂不足乃令樂有餘 無根者筋力疲世故大似丁令威歸來嘆墟墓鄉問丧 行帳適南下居人踢庭户城中望青山一水不易渡今 定 eч 庫 為韻賦十詩 九日讀書山用陶詩露凄暄風息氣清天曠明 全書

易逃所向皆塵泥何以濯我纓林問有清溪 亂久觸目異平素粉榆雖尚存歲晏多霜露 家甚貧劣有酒與雞城居厭鼙鼓移家此幽棲世網不 今日復何日霜氣修已凄登高有住拍山中古拍提翩 為飛仙過眼幾寒暄蒼蒼池上柳青衫見諸孫疎燈照 我東岩君曾此避塵喧林泉留杖優歲月歸琴樽翁今 山腰抱佛刹十里望家園亦有野人居層崖映柴門昔 劉公子王田重相携乾坤動詩與澗壑忘攀齊霍侯

臣 三 車 全書

遗山集

横陳顏揖告不供誰能搖醉筆吐句凌清雄 霜氣一屋薄香香秋山空臨高望烟樹黄落雜青紅造 茅屋新月入頹垣二句先依依覽陳迹惻愴不能言 孟與桓此外誰記憶人生百年內路地皆種迹獨惟我 宇宙有此山間世過鳥疾何人不此遊名姓寧復識兹 黃金華羅生萬文叢野人不知貴幽香散秋風秋物自 物故豪縱窮秋變春容錦障三百里不盡臺山東聚聚 辰世所重前代多威集柴桑有故事二謝留俊筆併數

輩人與懷念今昔山林與皋壤自古長太息 實心古難并暮景日易費故人成此遊尊酒重相慰新 一幹御史痛飲益精明亦有李與王王樹含秋清我時最 詩互酧唱清該見滋味鱧鯢方偃蹇電黽共騰沸懸險 真率寧復轉喉諱鄭重伯雅生籍汝即吐氣 劇褒科清渾雜涇渭争教十圍腹滿貯憂與畏情親到 酣公賦詩揮灑筆不停蛟龍起庭戶破壁春雷轟堂堂 往年在南都開開主文衛九日登吹臺追隨盡名卿酒 遺山集

後來四座頗為傾今朝念存殁壯心徒自端 我在正大初作吏浙江邊山城官事少日放浙江船前 A. A. A.

j

潭秋華滿紫稻釀寒泉甘腴入小告幽光出清妍歸路 山亭回頭餘十年江山不可越目斷西南天 明月醉袖風翩翩父老遮我留謂我欲登仙一别半

吾山一何高清凉此相望龍頭出白塔佛屋壓青嶂雲

光見秋半旭日發毫相我我實樓閉金界嚴能像鄉曲

二十年香火關膽向金花香綿草夢想雲雨上福田行

莊不盈尺偷然澹無管庭柯挂秋疏老樹風冷冷我有 灾 文室何所有琴一書數冊花竹結四隣繁陰散芳澤間 紫微老仙伯少日見承平甲子五百餘雙瞳益清明披 欲近重為詩酒障終當防層 賴放眼天宇暗 同将明年復尋盟看翁九節杖翻翻上崢嶸 年德尊公深鄉曲情思得菊潭酒為公制頹齡作詩語 足四華全書 一 無車馬明月即住客三人成避追又復得雖怕雖伯 留月軒 遗山集

忌太潔莫遣凡卉如 月澹相映蕭然見風度恨無塵外人為續雪香句孙芳 梨花如静女寂寞出春暮春工惜天真王頰洗風露素 數百多談令人厭坐睡驚隨情一笑雞未鳴虚窗自生白 光减即生魄元精貫當中寧有天壤隔卯君尚奚待言論累 妍花紅粉粒意態工媚嫵窈窕春風前霞衣欲輕舉金 屬我歌蟾兔為動色商聲隱金石桂樹風索索乾坤月與我 梨花海棠二首

讀書几坐守遺編性情入吟詠古淡無妖妍酸鹹與世 樂渺華屋國艷徒自許依依如有意脉脉不得語詩人 臨清流開窓見西山人境偶相值遂無城市喧趙侯嗜 矣瓦礫場养為孙兔阡高人一留顧老木生雲烟祭屋 太冷落愁絕殘春雨 殊至味久乃全我作别墅詩請為子孫傳耕耘有定業 王城比民居近市無間田間田八九畝乃在城西偏久 趙吉甫西園種德

). 1: IS

遗山集

德今有國期君在晚歲無庸計目前 歉豐屬之天寧作鹵莽兒袖手待逢年汲古先有齊種 官職有何好凛凛蹈危機車塵及馬足棒手仍低眉雲 去何足道無從脱繁維不如聽其然歲晚價可期此心 · 」 □ 百百言 彦仁從軍久厭於事物之累念欲脱去之而不 臨汾李氏任運堂二首并序 居口任運堂且為賦詩 可得也故當醬醬不自聊求子發樂之子名其

其波哺糟酸其酶漁父我所學靈均竟奚為上堂壽慈 欴 世留清規樂天而知命行矣君何疑此山翁彦 未馴初養虎時飽飢一為金石止坐閱萬物馳汨泥揚 長路有險夷遇險即欲避安得皆通達君家北山翁百 優危恨無機避禍於有策後 應徒自密前路寧汝測七 親兄弟如填荒我水足致樂況有甘與肥人生天地間 定四車全書 世清規之語故及之點天長胥華公贈詩有 · 段牖下坐談得刺客周身容孔智代樹不宋厄九折 遺山集 道伯

陽半天赤飛烏大江遠清霜張秋氣草樹生意剪風雷 層崖閱長陰細逕綠絕獻梯雲欄干峻廓廓清眺展斜 莫侍頭雪白黃土陌見初 斫堅敵旗施紛仆偃崢嶸拳戀出恭養林薄晚盤盤兒 梯平地黄土陌乖逢有定在拙計徒巧擇行樂當及時 憂畏年壽幾至百惴惴首尾問天守坐成窄重泉青雲 題張左丞家范電秋山横幅

· 快乗險瘴海悲遠謫就令家長安獨不死林簀人生多

早素髮忽垂領誰謂林野人兹馬惜清景 家筆老懷寄高蹇經營入慘澹得處乃蕭散萬丘動歸 民安朴陋倦客喜幽屏兒童聞叩扉租吏有餘警兩崖 與突兀青在眼何時卧雲身團茅遂跳賴 風露夜氣凄以耿園花澹相望邊月空照影深居苦不 川途畫坡陀嶺路入荒梗微茫望烟火向背得盧井殘 分敦薄砂石立頑擴湍流落空嵌百折不容騁山深饒 宿張請田家地屬

文配日 · 杜 · ·

遺山集

荒城卧魯甸寒日澹平無千年素王官突兀此城隅我 晉因循迫桑榆今日復何日南冠預庭超隱隱金石聲 十子佩服見舒徐慨然望關里日思膏吾車五原東北 授魯論科與義理俱攝齊念升堂壞壁想藏書翻翻七 昔入小學首讀仲尼居百讀百不曉但有睡成珠少長 **忱如夢清都偉哉神明觀於幸當何如** 曲阜紀行十首

殿屋劫火餘瓦礫埋荒基入門拜壇下儼然想光儀憶

壞何異晏與早道存有汙隆物齊無壽天霜皮眼中見 言甲成亂煨燼入炎燎青烟干雲上奉鶴空自為哀哀 當講授初佩服何逶迤登降幾何人鸞鳳相追隨千年 扶持厄運豈易曉雩臺滿荒榛達官餘曲沼紛紛閱成 **嶧陽人腸肺痛如攪魯郊木何限名取唯一少神明信** 堂堂魯三檜培植出天巧規華欲十抱奇秀供百統誰 所託在木将何知 仰皆級天險不可踏文杏誰此裁世世傳清規植根得

造山集

产

一掛對的塵表君看太山石萬古青未了 **1. 然一勺試甘冷上池果能神轉盼得深省塵埃竟何有** 素髮忽垂領共學誰我容從之抱脩綆 周旋聖域容造請貧中有此樂日暮獨何炳泓然窺古 閱千歲清節傅箕賴尚想熟飲初至味久益水德鄰與 陋巷陋復陋老屋在人境門前軒盖多閉户自幽屏近 泮宫何所有舞雾但荒臺泮水涸已久北風捲黄埃顧 無百畝負郭總半頃鐘粥即自供取足唯一井此井

月白言

萬萬古而今安在哉獨愛鼓瑟翁不與三子偕宗周方 訖錄聖師猶卷懷但欲春服成風乎詠歸來我亦淡湯 瞻魯公宮感極令人哀獻馘亦威事規摹到平淮作計 盗漢璽僅得保腰領與卯均小人脫網乃差幸小偷學 也不敢露名與聖師並天刑竟莫逃不待七日頃曹瞞 大姦何所如與偷雄且猛雖然弭耳伏擇肉會一騁卯 不至適足污盤鼎不從市朝肆以就遠方屏兩觀餘 人涉世寡所踏浴沂行有日一笑心顏開 遗山集 主

陀萬世示頑擴神兵懷可怖過者宜少做 定四庫全書

|威日一廢不重舉中和天地位寧復俟庭無所嗟世道 季路室完整建建武太僕忠且壯持用方禦侮如何唐 師既已老自衛歸在魯正樂修六經卒業此其所當時 不見講堂處指似存世譜遺基洙泗問荒惡餘十畝聖

衰師授日茶鹵空餘千歲井點黑照終古

廟恣汝為豈合魯城闉魯人惑異教吾道宜湮淪許行 白塔表佛屋萬瓦青粼粼何年勝果寺西與姬公鄰塔

一學神農耒耜手自親當時子孟子直以為匪民况彼桑 期 相者侵不知所如指南一授轡聖門有修途陽光照簿 章何物技不直咳唾餘操戈競虚名望塵拜高車所得 門家童壤待其身一朝斷生化萬國隨荆榛孟氏非所 再睹邊豆陳吾謀未及用勿謂秦無人 不毫髮谷責滿八區公論懸日星豈直小人儒喻彼失 天地有至文六籍留聖誤聖師極善誘小智祇自愚文 安得楊與首丹青替神化舊染為一新坐令鐘魚地 遗山集

墓尚堪補東隅悠哉發深省灑掃今其初 陰崖轉清深秋老木堅瘦城居望已速步覺脱気垢實 林墓連魯城方廣十里間林間百草具棘刺死不蕃楷 記來者何述馬詩成私自處小子良斐然 魯門規作孔林篇聖人與天大聖道難為言所見不一 槐作横理青青閱千年懷人成一概何止召公賢博陵 石翁媪名字無留鐫兩獸墓前物歲久乃訛傳昨我持 皮匹庫全書 **□** 實嚴紀行

起隨個仆不可無烟霞朝暮為先後横旦連巨鰲飛麆 嚴風所愛丈室方再叩睡黑幾入門徑就石泉救遥遥 集靈鷲九華與奇巧五老失軍厚想當位置初遂欲雄 金門寺寶焰出嚴實我豈無盡公昔見今乃又同來二 仰看勞引服而山老突兀屹立柱圓覆諸奉出頭角隨 日深機炯穿漏逶迤防兩獻萬里若迎候絕壁三面開 三子寢飯故相就况有杜紫微琴筑終雅奏曈曈上初

宇宙太行有供谷勝絕無出右大似塵外人眉宇見高

inat di di la

遗山集

秀哀為下絕壑電擊龍怒關前奔翻雪客些滑渴瓊髮 室尊細鑿留篆籀兹山緣未了僧夏容宿留終當馬餘 将暴秦百說不一售林間太古石稍復杯飲舊已約銘 窮源得懸流偉觀駭初遘像人實樓閣白雨散簷溜天 年奇探盡雲岫 孫拂機絲素錦絢清畫永懷登高賦意匠困馳驟客於 金城留句浹兀兀醉歌舞出門覽民風慘慘愁肺腑去 页四层 自己 鴈門道中書所見

年夏秋早七月恭秘比一昔營幕來天明但平土調度 旗嚴黼座金屬散光炯嶽拜行且周偉觀竊於幸青紅 煌煌德寧宫望秩年祀永唐末幾焚荡規制仍峻整龍 雪澗深以阻半續逢驅車人牛一何苦 欴 子販雜就南府傾身管一飽豈樂遠服實盤盤應門道 急星火通負迫捶楚網羅方高懸樂國果何所食禾有 百騰擇肉非一虎呼天天不聞感諷復何補單衣者誰 定四車全書 岳祠齊官夜宿 遗山某 壶

警鶴書來何遲素髮迫垂領玄壇展東少似欲逐幽屏 激奔猛森然心魄動水雪凄以耿飄飄想仙袂飛下玉 蓮井昨夢知是非復此造真境妙香净餘習瀕氣發新 今古一炊項摩挲盤根槐甲子誰記省褐來石門道烟 澹灑落出鋒顏凶豎竟自推神監益彪炳青山閱人代 丧亂已溺寧再拯有來應門公赤手探虎鯁經營入慘 留壞壁兵衛自馳騁木抄見龜趺雄筆映鍾鼎中和昔 接雲嶺霄漢瞻上階濃碧插秋影青林雨聲集懸瀑

吾女在吾家先以安里弱雖然適貴門一味甘儉薄財 髙柯月紛紛裴回惜清景 聞我至相與喜且愕謂我六十翁齒髮未哀落擊鮮日 廉出仁讓語省見端慈婦道化一州 母女皆願學州人 二十日面色為焦枯白兄應見笑此行亦區區 并州望南宫東南千里餘六年念兒女醬醬心不舒程 孫問安否一月兩寄書老我後出門況是涉畏途鞍馬 示程孫四首 遗山集 主

會聚樂不貨言别凄以惻風雲動老懷車馬見行色明 直孫年志學玉立無纖瑕簡孫再勝衣芳蘭茁其芽聚 年吾六十家事斷關白唯當近酒酸亦復拋書冊提携 足道外舎儘得誇 祭彩翠翔鴻雞映朝霞諸孫獻公壽喜極復長嗟吾母 賀一月醉杯杓生女四十年今有為父樂 為具和氣動城郭為說婿女賢宅相知有託乃公私有 河南君閨門静無難殷勤教女孫乃令成汝家老我何 灾 匹庫全書

魏大名千門響霜堪客行足網續家居但與象約絲不 易得候蟲徒自吟無衣思南州傷哉非獨今 寒益跳梁哀暮苦難任病枕怯遥夜破窓風露深兩年 留飲工作崇臂股半風淫風淫喜陽景旬浹坐秋霖兒 兩童子教段或下澤王雪念吾孫未覺千里隔乘與徑 來髯婿當速客 同白兄賦餅中王簪 九月初霖雨中咸寒庫作 遗山集

· 定四車全書 !

主

兒生去年冬間里日相慶今年迫周時疹痘俱己竟爛 遅私自惜憂畏當誰語展轉天未明幽窓響頭雨 夢今見之風襲王養頭誰言閨房秀高情測林丘碧莲 私録關赴告求野或有取秋免一寸毫盡力不易舉衰 古銅壺一室香四周懷人成獨詠遠思徒悠悠 哭延孫 野史亭雨夜感與

畏景衆芳歇仙葩此夷猶水姿出新沐娟娟倚清秋昨

斑綴錦衫未與玉雪稱宅相望此孫惜爱均氣命一宵 老眼淚如迁 粒初季女抱臨鏡灼灼芙蓉花澹與清波映霜風入芳 隣墙擁高樹深越陰衛宇山禽十百種晨夕所棲處獨 治瘦緑餘荷柄嬌紅耿在眼百喚不一應寂宴空鏡前 誰奪去逐有亡辜横情鍾未難忘力挽將安勝憶昔點 贈篙

たこり

ייפור קי יויים וייים וייים

遗山集


圭

愛黃栗留婭好如稚女笑啼啼又笑宛轉工媚無低窺

尤物名字喧樂府天真累絲竹客服仍楚楚官額畫眉 疑欲下轉時忽驚舉花暗柳陰陰尚記兒時語詩家此 中有真趣孤賞何悠哉 層崖多古木細路深莓苔柴門開號日雲際青山來静 潤黛黑抹金縷恨不掌上看毛羽得細數山城無與樂 好鳥亦求侣時將貫珠來有唱當和汝 父早雨亦好既雨晴亦佳胡床對明月樹影含清華墻 讀書山月夕二首

		東有洿池欹枕聽鳴蛙
造山住		





機野监生 日子永安校對官修撰日吳錫齡